



TENY MIALOHA

Tamin'ny taona 1907, tao amin'ny Nosy Brownsea, dia nitarika lasy skoto voalohany i Baden Powell. Tamin'izay fotoana izay dia zatovo 20 no niaraka taminy. Ankehitriny kosa 20 tapitrisa ny isan'ny skoto maneran-tany. Mfankina betsaka amin'ny firotsahan'ny olon-dehibe ao amin'ny fikambanana, hiaraka amin'ireo tanora an'arivony, ny fahavitrihan'ny fikambanana : raha matoky ny tanora sy vonona hatrany hamaly ny antson'ny fikambanana ireo olon-dehibe, raha mihaino ny hetahetan'ny zatovo ka mandrisika azy hatrany handray an-tanana ny fiainany amin'ny alalan'ny fomba fanabeazana manavaka ny skoto izy, dia hitohy hatrany ny firoborobon'ny skotisma eran-tany.

Nanapa-kevitra ianao ho mpiandraikitra tafika mpamakilay, ato amin'ny Antilina Madagasikara, manasa anao ary hirotsaka fa tsy ho mpitan-damba amin'ity andraikitra hata kely sy mahahana ity dia ny fanabeazana tanora amin'ny alalan'ny skotisma. Koa indro atolotra anao ny fomba fiasa skoto sy ny tolo-panabeazana hahafahan'ny tanora faran'izay be indrindra miaina skotisma avo lenta.

Boky fikirakira hoentinao manatanteraka ny andraikitrao inty ka ho hitanao ato aorian'ny fampahatsiahivana ny niandohan'ny skotisma, ny fomba fanabeazana skoto, ny teti-pibeazana mpamakilay, sy fanchoana mpamakilay.

Mahereza !

Antananarivo, 01 Aogositra 2000

Ny Ekipa Nasionaly Mpamakilay

NY NIANDOHAN'NY SKOTISMA

Vao zaza 9 taona niara-nilalao tamin'ny rahalahiny nihaza bitro tao an'ala i Baden Powell, no efa nanomboka nitsiry tao an-tsainy ny " skotisma ". Taty aoriana rehefa niditra ho miaramila izy dia mbola tsy afaka tao an-tsainy ihany ny fiainany fahazaza ka nampihariny tamin'ny fanofanana ireo miaramilany ary nahazoany vokatra tsara. Fa ny ady nataony tany Afrika no tena nahafahany nampihatra ireo zavatra hainy tamin'ny fahazazany.

Ny hevitra ny teny hoe : skoto dia miaramila manolo-tena hialoha lalana ny namany, hisava lalana, hanadihady ny tokony hatao sy haleha amin'ny tany miady.

Nantsoin'i B.P. hoe : " skoto " koa ireo olona milatsaka an-tsitraro hamaky lay na hianefitra any amin'ny tany tsy fantatra na dia tsy misy ady aza. Noderainy ny firotsahan'izy ireny an-tsitraro, ny herim-po sy ny fahadiovam-po, ny faharanitan-tsaina sy ny fahaizana mandini-javatra ary ny hakingana nasehony.

Mahay mandini-javatra sy manatsoaka hevitra ireo Zoulou sy foko hafa tao Afrika nifanerasera tamin'i B.P. Nampihariny tamin'ny fanofanana ny miaramilany koa ny traikefa azony avy amin'ireo hatrany Inde, toerana niasany taorian'ny nialany tao Afrika. Ny tena nokendreny dia ny hahatonga ireo miaramila hahavita zavatra samy irery sy hahavaha olana samy irery ka hahaleotena.

Fa ny fanandramana goavana sy nahomby nataony dia ny tao Mafeking. Raha nataon'ny Boers fahirano ny miaramilany : ankizy lahy no nampiasainy hitondra hafatra sy hitsirika fahavalo. Teo no nahatsapany fa raha itokisana ny zatovo ka omena andraikitra, dia milofo sy manao vy very ny ainy hanatanteraka izay antenaina aminy. Taorian'izany no nanoratany ilay boky kely hoe : " Aids to scouting ".

Rehefa tafaverina tany Angleterre i B.P. dia naniry hitaiza ny ankizy amin'ny fitiavan-tanindrazana. Nanadihady fatratra ny fomba fanabeazana tamin'ny firenena maro izy, niady hevitra tamin'ny namany, ary nanapa-kevitra hampihatra izay fantany tany amin'ny lasy nataony tany Brownsea tao Pool Harbour ny Aogositra 1907.

Fahombiazana koa iny lasy iny ary ilay boky kely " Scouting for boys " no mirakitra ny foto-kevitra azony vokatry ny zava-bita tany. Natonta voalohany tamin'ny 1908 ary nadika tamin'ny teny frantsay hoe : " Eclaireur " io boky io.

Nahaliana ny lehibe sy ny zatovo ny voalazan'ny boky, ka maro no niezaka nampihatra azy. Niforona ny fikambanana "Boy Scout association".

Rehefa nivelatra haingana ny Skotisma dia nanoro hevitra an'i B.P ny Mpanjaka Edouard VII , hametra-pialana amin'ny tafika ka hanokana ny fiainany amin'ny fampiroboroana ny foto-kevitra skoto.

**NY FOMBA FANABEAZANA
SKOTO SY NY TETI-PIBEAZANA
ANTILY MPAMAKILAY**

Ny skotisma sy ny Mpamakilay

Tany am-piandohana dia sampana telo no tato amin'ny skotisma. Vokatry ny fandinihana nataon'ny mpikaroka anefa dia hita fa tsy mitovy ny filàna sy hetahetan'ny zatovo miala sakana sy ao anatin'ny fahamaotina. Tany amin'ny taona 1963 no niforona ny sampana fahaefatra tato amin'ny skotisma, dia ny sampana mpamakilay. Ireo zatovo ao anatin'ny fahamaotiana 15 ka hatramin'ny 17 taona no beazina ao. Nanaraka izany ny Antilin'i Madagasikara ka nanangana ny Sampana Mpamakilay eo anelanelan'ny Sampana Mpianjoria sy ny Mpiandalana tamin'ny taona 1994.

Ny kendren'ny sampana mpamakilay

Tovolahy itoeran'ny hery ny mpamakilay. Ny sampana dia mikendry indrindra ny hitantanana izany hery izany, hanaovana zavatra mahaso. Ny fahamaotina no vanim-potoana sarotra indrindra amin'ny fiainan'ny zanak'olombelona satria eo no tena be ny fakam-panahy misarika ny tanora, noho izany ilaina ny manome idealim-piainana ireo zatovo. Raha mahazo lahasa mifanentana aminy ireo sakan-jaza ireo, hampiasany ny herim-batany, ny herim-panahiny ary ny herin-tsainy, dia ho afaka hifantoka amin'ny zavatra mahaso azy izy.

Masindahy Joany Batista, ilay mpialoha lalana an'i Jesoa no mpiaro ny Antily Mpamakilay ka izy no olo-masina tsy maintsy alain-tahaka.

NY FOMBA FANABEAZANA ANTILY

Miompana amin'ny lohahevitra fito ny fomba fanabeazana antily. Tsy maintsy ampiasaina miaraka avokoa izy rehetra. Tsy misy omen-danja kokoa na iray aza fa mitovy lenta izy rehetra. Natao izy ireo hanampy ny mpiandraikitra eo amin'ny fanatontosana ny asany :

Ny fanabeazana amin'ny alalan'ny lahasa.

Ny fifandraisan'ny Mpanabe sy Beazina.

Ny fiainana an-kalamanjana.

Ny tontolon'ny nofy sy ny eritreritra.

Ny Lalàna sy Velirano.

Ny fiainana an-tarika.

Ny Fison-drotana isam-batan'olona.

1- Fanabeazana amin'ny alalan'ny lahasa

"Ny fiainana no fianarana mahomby indrindra". Mianatra miaina ny ankizy sy tanora ao anaty skotisma. Manao izay hivoarana sy hahazoana fy eo amin'ny fiainana izy. Miezaka ho tompon'andraikitra ny fiainany mba hahaleo tena sy hahay hiray hina.

Mandray fianarana avy amin'ny fiainana ny mpamakilay, izany hoe : mahay manatsoaka fahendrena avy amin'izay zava-mitranga. Tsy ho mpitan-damba ny mpamakilay fa hiezaka hivoatra hatrany. Ny lahasa fa indrindra ny "vaky lay" ataon'ny rodona no mampivelatra ny fahaizana amam-pahalalan'ny zatovo beazina ato amin'ny Mpamakilay. Lahasa tonga dia vavany ahafahan'ny mpamakilay mihetsika sy manao zavatra ireny, fa tsy kabary na tsianjery fotsiny ihany. Noho izany : "Kendren'ny Mpiandraikitra mba hahasahana ny lafim-piainana rehetra ny lahasa ataon'ny Rodona".

Vaky lay

Ny "Vaky lay" dia fitambarana lahasa manana lohahevitra iombonana lokoina fiainana an'eritreritra. Ny "Vaky lay" dia lahasa manokana mampiavaka ny Mpamakilay.

Fisetrana na/sy fanatanterahana zavatra mbola tsy fantatra sy tsy hay ny "vaky lay". Mitaky fanangonana fahaizana amam-pahalalana sy toe-tsaina amam-batana vonona izany.

Ny vaky lay dia mety hifantoka amin'ny

- Fisedrana ny herim-po sy herin-tsaina (fanaovana "raid" amin'ny alina)
- Fizàrana amin'ny tekinka iray na maro (fanaovana tetezana amin'ny tady)
- Fandrefesana ny herim-batana (dia an-tongotra mampiasa hitsin-dalana)
- Fibanjinana ny zava-boaary
- Fizahan-tany

Volavola "Vaky lay"

Misy dingana maromaro ny fifidianana "vaky lay"

- Donak'afon'ny tarika
- Fivorian'ny Rodona
- Donak'afon'ny Mpiandraikitra.

Donak'afon'ny Tarika

Samy mamolavola tetik'asa ny isan-tarika. Amin'izany ny tsirairay dia samy mamoka hevitra, miady hevitra hiaroka izay tena mahasrika indrindra. Tsy maintsy mifanaraka ny mpiray tarika hifantoka amin'ny "vaky lay" iray, ary ny mpiandraikitra dia hanamarina fa samy manana volavolan-kevitra ny tarika tsirairay.

Fivorian'ny rodona

Entina aravona ao amin'ny fivorian'ny rodona ny volavolan-kevitra ny tarika. Eo no isafidianana izay hotanterahana. Raha sarotra ny fifantenana dia anjaran'ny mpiandraikitra ny manasongadina izay tokony hahasrika kokoa amin'ireo vaky lay natolotra. Izany hoe, manampy ny zatovo hanapa-kevitra. Halavirina kosa ny tsangan-tanana sao mampisaratsaraka.

Donak'afon'ny mpiandraikitra

Anjaran'ny mpiandraikitra ny :

- Mandinika ny mety ho fiantaika'ny vaky lay amin'ny fanabeazana sy ny fetrany
- Mikaroka ny fomba hanasongadinana ny soa toavina maha-kristianina sy maha-olombelona amin'ny vaky lay
- Mikaroka ny fomba hampivelarana ny zatovo araka ireo seha-pibeazana antily
- Manoritsoritra ny fitaovana ilaina
- Maminavina ny fahasahiranana mety hitranga sy ny fomba hamahana izany

Adidiny koa ny :

- Manara-maso ny fiasan'ny tarika sy ny fizotran'ny vaky lay
- Ny miantoka ny faharisiha'ny zatovo sy manentana azy tsy ho kivy raha sendra fahasahiranana
- Ny manombana ny fison-drotana isam-batan'olona

Manaraka ny dingan'ny vaky lay hatrany ny donak'afon'ny mpiandraikitra hanombanana ny asa, hanitsiana na hanohizana ny asa.

Fanatanterahana ny vaky lay

Samy mandray ny andraikitra nifampizarana ny tarika rehetra.

Lahasa an-tarika vokatry ny tetik'asa voafidy...

Mahaleo tena ny tarika amin'ny lahasa manandrify azy fa azon'ny mpiandraikitra atao ihany ny mijery azy tsindraindray indrindra raha miantsa ny tarika, fa tsy tokony hanembantsembana azy izy amin'izany.

Anjaran'ny mpiandraikitra koa ny mijery raha voafaritra tsara ny lahasa ataon'ny isan-tsokajy, raha ilaina ny fianarana teknika. Mivory kosa ny mpiray tarika avy eo ary miezaka hizara anjara andraikitra araka izay mahaliana ny boay tsirairay.

Lanonana farany : ankalazana ny ezaka vita

Misy toe-javatra, na dingana ao amin'ny vaky lay mety ahitana fahasahiranana. Na dia izany aza dia tsy maintsy ezahina izay hahombiazana amin'ny ankapobeny ary hahatsiarovan'ny boay kely fahafaham-po amin'ny zavatra vitany na hainy.

Arakaraka ny vaky lay, ny antony, ny fotoana ary ny olona, ny fety enti-mankalaza izany. Fa tsy maintsy manao lanonana amin'ny faran'ny vaky lay iray ary mahita fahafinaretana amin'izany ny Rodona. Ny fety dia natao hanaingadinana ny lalana naleha sy ny zava-niseho ary ny zava-bita nandritra ny lahasa araka ireo tombana isan'andro.

Karazana "vaky lay"

- *Fizahan-tany sy hitsin-dalana.*

Ny vaky lay mahazatra matetika dia ny fanaovana " Exploration " amin'ny alalan'ny "Azimut" sy fampiasana "saritany".

Ilàna fanomanana tsara io "vaky lay" io, satria ain'olona no lalaovina indrindra amin'izao tsy fisian'ny fandriampahalemana loatra eto Madagasikara izao. Kendrena ho tomombana ara-dalàna ny fanadihadiana mialoha izay toerana holalovan'ny boay kely, noho izany tsy maintsy miaina mialoha ny "vaky lay" kasainy hampanaovina ny Mpiandraikitra. Araraotina hifandraisana sy hampandrenesana ary hangatahana lalana amin'ny filohan'ny fokontanin'ny tanàna holalovana ny fotoana fanadihadiana. Ilaina fantarina tsara daholo ny hantsana na lalana mety hitera-doza, noho izany dia tsy maintsy misy mpiandraikitra miandry any amin'ny kihon-dalana na toerana mety hitera-doza sy any amin'ny toerana hiafaran'ny "vaky lay".

Mila fahaizana teknika koa ny vakilay fizahan-tany sy hitsin-dalana : toy ny morse hifampiantsoana, ny vona hiampitana lavaka, na hidinana an-davaka, ny fampiasana ny famantarana avaratra. Raha tsy tomombana ireo dia tsy ho-tanteraka araka ny tokony ho izy ny vaky lay.

Fepetra momba ny vaky lay fizahan-tany

Misy fivoarany ny fanaovana vaky lay :

Eo amin'ny ezaka voalohany dia " VAKY LAY " iarahan'ny rodona adiny 6 eo ho eo mandritra ny alina, na adiny 12 mandritra ny andro.

Eo amin'ny ezaka manaraka, miainga tsirairay isaky ny adiny iray ny boay ka mamita vaky lay mandritra ny adiny 4 avy, amin'ny antoandro.

Azo atao ihany koa ny mandefa ny boay tsirairay amin'ny alina, miainga isaky ny fahefatra'adiny. Lalana mitovy no alehan'ny tsirairay mandritra ny adiny 1.

Ho an'ny ezaka farany dia vaky lay adiny 12 mandritra ny andro, ka miainga tsirairay isaky ny adiny iray, ary samy manana ny lalany avy.

Azo atao koa ny mampiainga ny boay tsirairay isaky ny adiny iray amin'ny alina mandritra ny adiny 6, amin'ny lalana mitovy.

Ny Antily Mpamakilay, vao milasy na vao miantsoa dia tsy maintsy manao "Vaky lay". "Vaky lay" mivoatra mihasarotra tsikelikely no atao fa tsy vaky lay miverimberina tsy manintona ny zatovo.

Marihina fa ny "Vaky lay" no sehatra sahaza indrindra ireo lahasa isan-karazany voafaritry ny vokatry hotratrarina ara-panabeazana amin'ny fisondrotana isambatan'olona.

• *Vaky lay famoronana*

Ireo mpamakilay tany aloha dia namorona fitaovana avy amin'izay zava-misy teo an-toerana. Tetezana vita amin'ny rantsan-kazo, fantsakana, fampakaran-drano vita amin'ny volo na fantàka, trano eva aorina eny ambony rano, fitaovana fitantavanana-drano.

Izany famoronana-pitaovana izany dia "vaky lay" ary iezahana ny mikaroka zava-baovao hatrany. Vaky lay koa ny famoronana zava-kanto toy ny hira na tantara tsangana azo entin'ny mpiray tarika mitety tanàna haseho vahoaka.

• *Vaky lay hamolahana ny herin'ny natiora*

Ny natiora dia natao hofolahin'ny olombelona hanatsarany ny fiainany sy hivoarany. Ny fanaovana fatana mandeha amin'ny herin'ny masoandro ohatra, dia azo heverina ho vaky lay amin'ity sehatra ity. Toy izany koa ny famoronana kalesy hitondrana ny entan'ny mpiray tarika, ny famoronana milina ahodin'ny rivotra.

Ireto misy hevitra azo dinihana hoenti-mamolavola vaky lay hamolahana herin'ny natiora :

- NY RANO

Fantarina ny rano madio fisotro na azo isasana.

Hay ny miampita renirano amin'ny lomano na zahatra na lakana.

Voafehy ny rano hanondrahana fambolena.

Fantarina ny "composition chimique" ny rano sy ny fomba fanasaraka na fanambatra izany.

Hay ny manadio rano ho fisotro.
Hay ny manao fatsakana, vovo.

...

- NY TANY

Mahay mainpiasa ny tany ho fitaovam-pamokarana sy miaro azy.
Afaka mamorona taozavatra na fitaovana fanorenan-trano amin'ny tanimanga na tany tsotra.
Manana fahalalana fototra momba ny toetran' ny tany.
Mahalala ireo harena an-kibon'ny tany.

...

- NY RIVOTRA

Mahalala ny fiavian'ny rivotra sy ny ilana izany.
Mahalala ny "composition chimique" ny rivotra azo iainana.
Mahay ny fiarovana rehetra amin' ny rivodoza sy ny vonjy aina aterak'izany.
Afaka mampiasa ny rivotra ho angovo hoenti-mamoron-javatra.
Miady amin'ny fahasimban' ny nofon-tany ateraky ny rivotra (érosion éolienne).

...

- NY AFO

Mahalala fomba isan-karazany hahazoana afo.
Mahay mampiasa ny afo ho angovo hanampy ny zanak'olombelona.
Afaka mifehy ny afo tsy hanimba ny tontolo iainana.
Afaka miady amin'ny doro tanety sy ny hain-trano.
Mahay ny fampiasana ny afo amin'ny taozavatra.

...

- NY HAZO

Mahay mamboly hazo.
Afaka manao aro afo ho an'ny voly hazo.
Afaka mikarakara ny voly hazo.
Afaka mampiasa ny hazo hanaovana tao-zavatra.
Mahalala fomba fiarovana ny hazo hanaovana fanaka.

...

• *Vaky lay fandinihana ny tena*

Vaky lay ny fanaovana pèlerinage amin'ny toerana masina manan-tantara iray ka miaraka mandini-tena amin'ny hafa ny fitoriana ny Vaovao mahafaly.

2- Fifandraisan'ny beazina sy ny mpanabe

Firohotan'ny Zatovo ny skotisma, fa manana anjara asa lehibe ao koa ny olon-dehibe :

- Mila olon-dehibe hilan-kevitra sy hifampiresahana ny Tanora.
- Maha tanora lalandava ny olon-dehibe ny fifaneraserana amin'ny tanora.
- Tsy miady laharana izy ireo amin'izany fa mipetraka amin'ny toerana misy azy avy, izany hoe : Ny olon-dehibe tsy hifanahin-jaza ary ny Zatovo tsy hiseho avy hatrany fa mahavita ny ataon'ny olon-dehibe.
- Fantatry ny Zatovo fa azony antenaina hihaino sy hiara-dalana aminy hatrany ny Mpiandraikitra satria Zoky mahatoky.

Tsy mandeha ho azy ny fanabeazana imasoan'ny skotisma, fa mila OLON-DEHIBE hampiasa azy.

Tsy misy fanabeazana azo atao raha tsy misy fifandraisan'ny ankizy sy ny tanora amin'ny OLON-DEHIBE sy ny tontolon'ny olon-dehibe : ny fifandraisana ato amin'ny Skotisma dia fifandraisana mivoatra sy mivelatra ary mampilalao...

Ny mpanabe Skoto na mpiandraikitra, dia olon-dehibe mahay miaro amin'ny ankizy, izany hoe : tena olon-dehibe, manana sy mitana ny maha-izy aza anefa koa miaraka tanteraka amin'ny ankizy sy ny tanora.

OLON-DEHIBE

MIARAKA amin'ny ankizy sy ny tanora satria miara-dalana aminy, miezaka ny hahafantatra azy sy ny hifankahazo aminy, mahay mihaino azy, mamantatra ny hetahetany sy ny nofinofiny, ary miara-“milalao” aminy...

MANAMPY ny ankizy sy ny tanora , mba hahomby amin'izay ataony izy ireo raha sendra ny sarotra indrindra raha mitady ho solafaka.

MIEZAKA MANORO SY MAMPAHAFANTATRA ny zatovo tsirairay ny momba ny tenany, ny hevi-dalin'ny zava-niainany amin'ny vondron'ny ankizy miaraka aminy (tafika).

Raha fintinina dia ZANDRY sy ZOKY, miara-milalao ny skotisma.

Fandaminana ao amin'ny Rodona

Ny mpitarika rodona

Mpiandraikitra Rodona nahavita lasy salohim-bary, ampian'ny mpanampy mpiandraikitra nahavita lasy ketsa, sy Ray am-panahy na/sy Zoky am-panahy no mitarika ny Rodona.

Tompon'andraikitra miana-draharaha no iantsoana azy ireo raha mbola tsy voahasina ao anatin'ny taona iray nahavitany lasy fanofanana izy.

Mitondra tapa-damba manga tanora eo amin'ny saiki-tsoroka ny Mpiandraikitra Rodona.

Mitondra tapa-damba manga tanora mitapaka lamba volondavenona ny Mpanampy voahasina.

Mitondra tapa-damba manga tanora mitapaka volon-tsokolà ny tompon'andraikitra miana-draharaha rehetra.

Andraikitra ny Mpiandraikitra Rodona

Miantoka ny fahombiazana sy ny fampandrosoana ny Rodona.

Mitantana ny Rodona.

Mizara andraikitra sahaza ny mpanampy tsirairay ary manampy azy eo amin'ny fanatanterahana izany.

Manomana sy mitarika ny donak'afo.

Miandraikitra ny fison-drotan'ny 2/3 ny mpamakilay amin'ny dingana omaniny.

Noho izany, tokony ho olona tsara ofana no atao Mpiandraikitra Rodona (nahavita lasy Salohim-bary raha azo atao). Olona matotra ary afaka hisahana tsara ny andraikiny, modely eo amin'ny fiainana kristianina ka vita mariazy raha manambady ary tsy mpikatroka mafana fo amin'ny politika.

Andraikitra ny Mpanampy Mpiandraikitra

Manome ny heviny eo amin'ny Donak'afon' ny mpiandraikitra.

Manaiky ary mitady mandrakariva toro hevitra sy fanitsiana ataon'ny Mpiandraikitra Rodona.

Miandraikitra ny fison-drotan'ny ampahatelon' ny mpamakilay amin'ny dingana omaniny. Miofana mba ho tonga mpiandraikitra.

Fivorian'ny Rodona

* Ny Mpandray anjara dia :

- Ny Mpiandraikitra Rodona miaraka amin'ny mpanampy azy.
- Ny beazina rehetra ao anatin'ny Tarika tarihan'ny LT (Lohan-tarika).

* Eto no :

- isafidianana ny aktivite hotanterahina
- ilazana vaovao
- anaovana aktivite.
- anombanana ny lahasa natao.

* Indray mandeha isam-bolana.

Donak'afon'ny Rodona

Donak'afo no iantsoana ny filankevitra ato amin'ny Sampana Mpamakilay. Midika izany fa atao an-teny ierana avokoa ny fanapahan-kevitra rehetra.

* Mpandray anjara :

- Mpiandraikitra Rodona miaraka amin'ny mpanampy azy
- RAP sy ZAP
- Ny LT sy SLT

* Eto no :

- andaminana ny aktivite iraisana.
- andraisana ny tolo-kevitra ny Tarika.

* Isam-bolana - Isan'andro any an-dasy no hanantanterahana azy.

Donak'afon'ny Mpiandraikitra

* Mpandray anjara :

- Mpiandraikitra Rodona miaraka amin'ny mpanampy azy
- RAP na/sy ZAP.

* Eto no :

- hanaraha-maso ny isam-batan'olona.
- hanomanana sy hanatsarana ny aktivite.
- hanaovana tomban'ezaka.

* Isam-bolana na Isan'andro any an-dasy no hanatanterahana izany.

Fanamarihana : Tsy voatery atrehin'ny RAP na ZAP ny Fivoriana ny Rodona sy Donak'afon'ny Rodona. Ny Donak'afon'ny Mpiandraikitra kosa dia tsy maintsy atrehan'ny RAP na ZAP, na akana hevitra mialoha amin'ny fanapahan-kevitra horaisina; hitsinjovana indrindra ny RAP sy ZAP be andraikitra io .

Ny Curé-n'ny Paroasy no manendry izay Tompon'andraikitra ara-panahy.

3- Ny fiainana ankalamanjana

Ny ankalamanjana, eo anivon'ny zava-boaary dia sehatra manana ny lanjany manokana hanatanterahana ny lahasa mpamakilay, ka ny lasy no misongadina indrindra amin'izany :

Ao izy no afaka mamantatra ny heriny sy ny halemeny rehefa misetra ny herin'ny natiora dia : ny rivotra sy ny hatsiaka, ny hafanana sy ny masoandro na andro na alina.

Ao izy no mamantatra ny fifampiankinan'ny hery rehetra : na manana aina, na ny zava-maniry, na ny ety an-tany, na ny eny an'habakabaka.

Ao izy no afa-mibanjina ny hasoan'ny voaary sy ny hakanton'ny asatanan'Andriamanitra.

Amin'izany izy dia afaka manaja sy miaro ny zava-boahary satria fantany fa miantoka ny aina ireny.

Ny fomba fanajana sy fiarovana ny zava-boaary voalohany ho an'ny mpamakilay, dia ny fahaizana miaina eny anivon'ny natiora any amin'ny lasy sy an-tsaha.

Eo anivon'ny zavaboahary no toerana anaovana ny ankamaroan'ny lahasa Mpamakilay antsoina hoe "Vaky Lay" toy ny fanorenana, na ny fifehezana ny herin'ny natiora.

Mandeha mamakivaky ny ala, lohasaha, tanety, tendrombohitra, tany hay ny Mpamakilay ka mitady toerana hanorenana-ponenana hifehezana ny rano, hazo, afo, tany, rivotra hoentina hanamora ny fiainana sy hampivoatra ny olona.

Ny lasy, ny an-tsaha, ny faran-kerinandro no isehoan'ny ankalamanjana ato amin'ny Sampana Mpamakilay.

Antsaha na lasin'ny tarika

Antsaha : 36 ora no fara faharetany

Lasy : 3 ka hatramin'ny 5 andro

Lohan-tarika efa voahasina no mitarika ny lasy na antsahan'ny Tarika. Tsy maintsy mahaloa vatom-panorenana ny mpiantsaha.

Naraitra miaraka amin'ny zatovo ny fandaharana ka tsy maintsy ankatoavin'ny mpiandraikitra sy ny tonia.

- Tsy maintsy mitsidika ny lasy ny mpiandraikitra.

Antsahan-drodona

- 36 ora no faharetany
- Ny zatovo rehetra ao amin'ny rodona ka nahaloha vatom-panorenana no mandray anjara
- Mpiandraikitra nahavita lasy tsiry farafaharatsiny no mitarika
- Mahazo lalana amin'ny Tonia

Lasin-drodona

3 andro raha kely indrindra ary 15 andro raha be indrindra no faharetan'ny lasy mpamakilay.

Ny Rodona iray manontolo no milasy, ka amin'ny fotoana mahafaka ny maro no tsara anaovana azy (fialantsasatry ny mpianatra).

Tsy maintsy olona nahaloha vatom-panorenana no milasy.

Nahavita ny fizaham-pahasalamana ara-dalàna.

Tsy maintsy mahazo lalana avy amin'ny Tonia sy ny Filohan-tsampana.

Mpiandraikitra nahavita lasy ketsa farafahakeliny no mahazo mitarika lasy latsaky ny 5 andro ary lasy salohim-bary raha mihoatra an'io. Raha tsy ampy fiofanana ny ao an-toerana dia mitady mpiahy mahafeno ny fepetra izy.

Vokatra hotratrarina ankapobeny mandritra ny lasy

Ny lasy dia :

- ahafahan'ny isam-batan'olona misondrotra sy mahazo talenta vaovao
- ahafahan'ny rodona manao asa soa iombonana na Asa Fampivoarana Iombonana
- ahafahan'ny mpiandraikitra manombana ny traikefa azo nandritra ny taona
- ahafahan'ny rodona manombana ny taona lasa sy hanombohana ny taona manaraka
- ahafahana manao "vaky lay".

Ny vondron-dasy

Fepetra ahombiazan'ny lasy ny fiofanana azon'ny mpitarika ny lasy kanefa raha tsy feno izany fepetra izany dia azo atao ny manao "vondron-dasy" ahafahan'ny mpamakilay milasy .

Ny vondron-dasy dia lasy iarahan'ny rodona samihafa manao; ka ny samy mpiandraikitra na ny filohan-tsampana eo amin'ny faritra no miara-mitantana.

Azo atao ny vondron-dasy raha mbola tsy ampy fiofanana ny mpiandraikitra, satria ny mpitarika ny vondron-dasy no hanampy azy sy hanararaotra hanofana azy amin'izay zavatra tsy hainy.


- Ny Mpiandraikitra no tompon'andraikitra amin'ny Rodony sy mitarika ny lahasa rehetra eo ambany fanaraha-mason'ny Filohan'ny lasy (Filohan-tsampana na Mpiandraikitra za-draharaha).
- Samy manana ny fandaharam-potoanany manokana ho azy ny rodona tsirairay ao amin'ny vondron-dasy.
- Fotoana manokana no ahafahan'ny mpiray vondron-dasy miaraka fa ankoatra izay dia samy miaina amin'ny rodona ny tarika.
- Tsy azo ampiarahana mihitsy ny sampana samy hafa fa tsy maintsy hajaina ny fahaleovantenan'ny sampana.

Ny filan-kevitra any an-dasy

Isan-kariva dia tsy maintsy misy :

- Donak'afon'ny tarika : ny tarika tsirairay no milaza ny heviny momba ny fizotran'ny lasy any amin'ny zorony.
- Donak'afon'ny mpiandraikitra : ny mpitarika ny lasy rehetra no manombana ny andro vao avy nodiavina sy mandamina ny manaraka.
- Donak'afon'ny Rodona : samy mitatitra amin'ny mpiandraikitra ny Loha-tarika rehetra izay hitany ary eo koa no hilazana ny fandaharam-potoana amin'ny andro manaraka.

Raha mitsidika ny lasy ny RAP na ny ZAP dia tokony handray anjara amin'ny donak'afon'ny Mpiandraikitra.



4- Ny tontolon'ny nofy sy ny eritreritra.

Misy ny fiainana mahazatra isan'andro toa mamefy ny saina tsy hikaoka zavatra hafa intsony. Ny Skotisma kosa mampisokatra ny maso sy ny saina amin'ny tontolo hafa, tsy dia lavitra akory, fa takatry ny eritreritra ihany :

Ohatra : Raha ampidirina ao amin'ny tontolon'ny fikarohana sy ny teknika ny zatovo, ny fankanesana eny amin'ny volana, na ny fifandraisan-davitra dia manome loko hafa ny lahasa mahazatra, ny fifehezana ny herin'ny aratra ohatra dia hamantaran'ny zatovo fibetseham-po vaovao mandrisika azy hiezaka hitady fomba hafa hamolahana ny natiora .

Izany no tontolon'ny nofinofy sy ny eritreritra tsy maintsy handokoan'ny mpiandraikitra ny lahasa antily. Lahasa antily izay isantaran'ireo zatovo sahady ny fiainana.

Araka ny anarany hoe : "Mpamakilay" dia ato anatin'ity Sampana ity no iezahana hakana toetra sahy hisava lalana any amin'ny toerana manavao, ho mpitari-dalana, ka hanorina sy hanangana, izany hoe, ho sahy hamaky lay amin'izay atao rehetra ny zatovo.

Fiainan'ny olombelona misetra sy mamolaka ny natiora mba handrosoana sy hivoarana no atao tanjona mba hahafahana manorina fiainana eo amin'izany zava-boafary izany.

"MANORINA" izany no foto-kevi-dehibe itondrana ny lahasa ato amin'ny Sampana Mpamakilay. Sarin'ireo olona nanao andiany hanorim-ponenana eo anivon'ny Natiora (ala, tany ngazana, tany hay, tendrombohitra, lohasaha,...) no manosika ny Antily Mpamakilay hisava lalana mba hahafahany hanorina fiainana mahafehy ny tontolo manodidina.

- "Rodona" no iantsoana ny tafika ato amin'ny Sampana Mpamakilay dia sarin'ireo andian-jatovo manao rodobe niainga hitrandraka toerana vaovao (ala, efitra, lohasaha, havoana) hanorenana tanàna, hamolahana ny natiora hoentimaina (afo, rano, tany, rivotra, zava-manana aina) ka hitondrana fampivoarana ho an'ny olombelona.

- "Tarika" no iantsoana ny vondrona fototra misy zatovo 8' ato amin'ny Sampana Mpamakilay. Raha hisafidy ny anarany ny tarika tsirairay dia ny natiora izay hofolahina amin'ny fanorenan-ponenana no ataony filamatra.

"Antily Mpamakilay", "Vonona Mandrakizay " izay no teny baiko ho an'ny Antily Mpamakilay.

5- Fiainana an-tarika

Hery manentana ny zatovo ny fiarahany amin'ny namany vitsivitsy

- Ao amin'ny tarika no mamantatra ny tenany sy ny fahafahany mifandray amin'ny hafa ny Antily.
- Ao izy no misedra ny fahaleovan-tenany sy ny fahaizany miray hina.
- Ao izy no miombom-pifaliana sy misetra ireo adiady amam-pasahiranana.
- Ny mpiandraikitra dia mamela ny tarika ho sehatra ahafahan'ny ankizy sy ny tanora mandray anjara amin'ny fiainan'ny tafika sy manapa-kevitra.
- Zatovo 5 ka hatramin'ny 8 no manome ny Tarika iray. Izy samy izy no asaina mifampitady sy manorina ny Rodona. Fadiana ny manery ny zatovo hiray tarika fa avela izy ireo hifampifidy.

Tarika 4 farafahabetsany no manorina ny RODONA iray, izany hoe : beazina 32 ary tarihan'ny Mpiandraikitra Rodona iray sy mpanampy roa. Raha mihoatra io isa io ny beazina tokony ho Sampana Mpamakilay dia manorina Rodona iray vaovao ny Fivondronana.

Fidin'ny Mpiray Tarika ny Lohan-tarika izay mifidy ny Solondohan-tarika. Ankatoavin'ny Mpiandraikitra aloha vao raikitra izy ireo.

Ny Lohan-tarika (LT) ampian'ny Solondohan-tarika (SLT) no mitarika ny Tarika.

Ireo Zatovo beazina ao amin'ny Tarika dia samy manana andraikitra avokoa. Mitsinjara ho toy izao izany :

- Mpanentana
- Mpitantsoratra
- Mpitahiry vola
- Mpitahiry fananana
- Mpitandro fahasalamana
- Mpampita hafatra

Donak'afon'ny tarika

- Ny mpiray Tarika no mandray anjara
- Ny LT no mitarika ny donak'afo; raha tsy eo izy dia soloin'ny SLT
- Endriky ny fiombonan'ny tarika ny Donak'afon'ny tarika
- Ifampizarana andraikitra sy hanombanana ny ezaka tamin'ny lahasa natao
- Andinihana ny tolo-kevitra ny Tarika ho an'ny lahasan'ny Rodona
- Indray mandeha isan'andro fara-fahakeliny ny hanaovana azy raha any an-dasy
- Indray mandeha isam-bolana farafahakeliny ny Donak'afon'ny Tarika.

Mariky ny tarika (skalpa)

Rehefa voafidy izay natiora alain-tahaka atao filamatra ho an'ny tarika dia mitondra amin'ny tendron-tsoroka havia (brassard) tapa-damba mir'andrana telo mitondra ny lokon'ny fanevan'ny tarika dia ilay lokon'ny tokontanin'ny faneva sy ny sisiny izay miampy loko fotsy.

Mariky ny lohan-tarika sy ny solondohan-tarika

- Ho an'ny Lohan-tarika : Tapa-damba roa manga tanora apetaka mitsangana eo amin'ny paosy havia.
- Ho an'ny Solondohan-tarika : Tapa-damba iray manga tanora apetaka eo amin'ny paosy havia.

Hiaka

Manana ny hiakany manokana ny Tarika tsirairay. Manambara ny zava-tsoan'ny filamatra ny hiaka. Hiarahan'ny tarika miredona izy. Milaza ny fiaraha-mientan'ny tarika sy ny fahavononany ny hiaka. Manangona ny herin'ny zatovo izy ary mitaky firaisan-kina. Maneho ny finoana ao anaty ny hiaka.

Noho izany, manavaka ny tarika ny hiaka ka tsy tokony hiovaova mihitsy nefa raha misy fiovana tiana hatao dia tsy maintsy ankatoavin'ny donak'afon'ny rodona aloha.

- Fohy, hentitra, mafonja, mahalaza izay tian-kambara ny hiaka.
- Rehefa hitarika ny hiaka ny Lohan-tarika dia manomana tsara amin'ny fihetsika ny Tarika aloha vao miantso amim-pahavitrihana sy amim-pahakingana ny hiakan'ny Tarika, ny mpiray tarika kosa moa dia hamaly amim-pahamalinana sy amim-pahavononona tanteraka ny antson'ny lohan-tarika ho fanehoam-piraisana sy fiombonana.

Fanevan'ny tarika

Ny fanevan'ny Tarika dia entin'ny mpiray Tarika. Ny iray Rodona dia tsy tokony hisy hitovy faneva mba hanavahana ny Tarika tsirairay.



Ny faneva dia milaza ny fiainana sy ny fivoaran'ny Tarika. Izy no hahafahana mampifamatotra ny zatovo iray Tarika mba hiray fo amam-panahy hifampatoky sy hifanohana.

Misy loko 2 iombonana ny fanevan'ny Tarika. Apetaka amin'ny zaran'angady tsara sy mendrika mirefy 1,60 m io faneva io.

Faneva manana lafiny dimy ka misy efa-joro mira lafy roa notohizana amin'ny telo zoro misy sisiny 2 sm mitovy loko amin'ny sary manodidina no endrika isehoan'ny fanevan'ny Tarika Mpamakilay.

Asiana ny saria ny natiora
Asiana ny saria ny natiora
nalaina filamatra eo an-joron'ny
nalaina filamatra eo an-joron'ny
faneva.

Ny Lohan-tarika no
tompon' andrakitra amin' io faneva
io tsy ilany koa ho araka
io tsy ihany azy. Azon' ny
Société Lohan-tarika na ny hafa
Société Lohan-tarika na ny hafa
anefa araka izay
ilamarahana raha tsy eo ny Lohan-
tarika Tsy tokony hidaboka
tamin' ny tany ary tokony hadio
maridava ny faneva. Mariky ny
landava ny faneva. Mariky ny
hajan' ny Tarika izy amin' izany.



FILAMATRA FILAMATRA	SARY/SISINY SARY/SISINY	TOKONTANINY TOKONTANINY
Tany Tany	Mena Mena	Volontany Volontany
Hazo Hazo	Maitso Tanora Maitso Tanora	Volontany Volontany
Lohasaha Lohasaha	Maitso antitra Maitso antitra	Volontany Volontany
Havonana Havonana	Volondavenona Volondavenona	Volontany Volontany
Tany-hay Tany-hay	Mavo Mavo	Volontany Volontany
Ala Ala	Maitso tanora Maitso tanora	Manga Manga
Rivotra Rivotra	Mavokely Mavokely	Manga tanora Manga tanora
Volana Volana	Mavo Mavo	Manga Manga
Kintana Kintana	Volomparasy Volomparasy	Manga Manga
Masoandro Masoandro	Mena Mena	Mavo Mavo
Afo Afo	Mavo Mavo	Mena Mena

Fanevan'ny rodona
Fanevan'ny rodona

Lamba manga tanora ny tokontaniny, fotsy ny vokovoko manapaka ipetahan'ny
 Lamba manga tanora ny tokontaniny, fotsy ny vokovoko manapaka ipetahan'ny
 vokovokon'ny Jerosalema ary zairina atao amin'ny peta-kofehy mavo ny salohim-
 vokovokon'ny Jerosalema ary zairina atao amin'ny peta-kofehy mavo ny salohim-
 bary. Mirefy 1 m x 1 m ny habeny. Mirefy 15 sm n'ny lamba fotsy.

(Mitový amin'ny fanevam-pikambanana ny endrin'ny ankapobeny)

Baiko sy famoriana

Ny famoriana no anisan'ny fihetsika ahitana ety ivelany ny fiao-kevitra itompoana ao anaty dia ny fahavononana sy ny fanarahan-dalàna.

- Tsy maintsy ara-dalàna tanteraka ny fanamiana rehefa manao famoriana.
- Tsy maintsy feno ny iray Tarika vao afaka miditra eo amin'ny famoriana.
- Hentitra tsara rehefa manao hiaka.

Anjombona na sifflet no iantsoan'ny Mpiandraikitra Rodona ny famoriana.

In-telo miantoana no iantsoana Famoriana amin'ny môrsa.

- Môrsa T (-) somary fohy.

Fampiomana sy fampandrenesana fa hisy famoriana ka tokony hiomana daholo ny rehetra, hiala any amin'ny toerana takona.

- Môrsa T lava kokoa (-)

Efa tokony ho vonona ny rehetra.

Fanamiana mijjy, tsy mitabataba intsony.

- Môrsa (....)

Vonona, ndao amin'izay ary. Mandrosoa. Aza miresaka eny am-pandehanana, somary mihazakazaka. Ny LT no mitarika, ny SLT no mamarana ny laharana. Miditra avy eo an-kavian'ny Mpamory.

Izany rehetra izany dia aseho amin'ny toetra sy endrika tony, matotra, mirana, ary amim-pahakingàna.

Arahina ny baikon'ny Mpamory izay manambara amin'ny fihetsika na amin'ny tanany ny endrik'ilay famoriana (boribory, sokera...).

Raha vao tafiditra ny mpiray Tarika dia mandamina sy mampiomana ny zatovo ny LT fa hiantso ny hiakany izy ireo. Vita ny hiaka vao miketraka ny mpiray tarika.

Rehefa tafiditra avokoa ny Tarika rehetra ka nahavita ny hiakany avy dia ampiomanin'ny Mpamory aloha ny rehetra vao entaniny ny baikon'ny Sampana.

Mpamory : Antily Mpamakilay.

Rehetra : Vonona Mandrakizay.

6- Lalàna sy famehezantena

Isaky ny misy olona maromaro miara-miaina dia tsy maintsy mila fifampifehezana hahamora ny fifandraisana sy ny fifanajana. Ny lalàna Skoto no hifampifehezan'ny Antily. Manana idealy tiana hotratrarina koa ny Antily mba hampitombo hasina ny tenany sy hitantanany ny fiainany. Hitany ao amin'ny Lalàna izany, ary ekeny amin'ny Famehezan-tena.

Noho izany :

- Ny mpiandraikitra dia tokony hampiasa ny lalàna sy ny famehezan-tena hitaizana ny zatovo mba hifanajany sy hanajany ny teny nomeny ary hananany idealim-piainana.
- Ilain'ny antily Mpamakilay ny mahay tsianjery ny Lalàna sy ny famehezan-tena Mpamakilay fa indrindra ny mahatsiaro lalandava azy ireny eo amin'ny fiainany sy amin'izay rehetra ataony.
- Asongadina ny fotoana anaovana ny famehezan-tena satria eo no ilazan'ny zatovo fa azony ny zava-kendren'ny skotisma ka vonona hanaraka izany izy.

Ny famehezan-tena no anamarihana ny fidiran'ny zatovo iray an-tsitraro ao amin'ny Sampana Mpamakilay ary hamehezany tena fa hanaraka ny lalàna Mpamakilay izy.

Efa bolana farafahaelany dia tsy maintsy miroso amin'ny famehezantena ny zatovo iray te-ho Mpamakilay.

Tsy maintsy efa nanao "vakilay" na "An-tsaha" iray niaraka tamin'ny tarika na ny Rodona vao afaka miroso amin'ny famehezantena.

Mahay tsianjery ny lalàna Mpamakilay sy ny seremonia.

- Manao fangatahana an-tsoratra any amin'ny MPIANDRAIKITRA Rodona ny boay ka aroso eo amin'ny fitanan-kaja hakana ny fanapahan-kevitra.
- Mialoha ny andro hanaovana Famehezan-tena dia tsy maintsy manao aritry masina ny Rodona.

Raharahan'ny Rodona ny famehezan-tena ka tsy voatery iantsoana ny Fivondronana na ny Faritra.

- Ny Mpiandraikitra Rodona voahasina no mandray ny Famehezantena fa tsy ny Filoha
- Tsara raha an-kalamanjana na any an-dasy ny famehezantena.
- Azo atrehan'ny ray aman-drenin'ny zatovo ny famehezan-tenan'ny zanany.

Lalàna mpamakilay

- 1 - Mahatoky ka itokisana ny Mpamakilay.
- 2 - Milaza am-pahatsorana tsy misy an-kifono ny Mpamakilay.
- 3 - Tia sy manampy ny olon-drehetra ny Mpamakilay.
- 4 - Mahay miara-monina amin'ny olon-drehetra ny Mpamakilay.
- 5 - Mendri-kaja na aiza na aiza ny Mpamakilay.
- 6 - Olon'ny natiora ka tia sy miaro izany ny Mpamakilay.
- 7 - Matotra ka miezaka ho tody hatrany amin'ny farany ny Mpamakilay.
- 8 - Vonona hisetra ny sarotra ny Mpamakilay.
- 9 - Manati-mindrana sy mitandrana zavatr'olona ny Mpamakilay.
- 10 - Maotina eo amin'ny fiteny sy fihetsika ary fitondran-tena ny Mpamakilay.

Tomban'ezaka / fitanan-kaja

Tomban'ezaka

- Ny tomban'ezaka no fomba ampiasaina mba hanaovana jery kiana ny lahasa natao.
- Ny tomban'ezaka dia miainga avy amin'ny vokatra hotratrarina napetraka tany am-piandohan'ny lahasa.
- Ny tomban'ezaka dia natao ho an'ny vondrona sy ny rehetra.

Fitanan-kaja

- Ny fitanan-kaja no fomba ampiasaina ato amin'ny Antilin'i Madagasikara hanitsiana ny tsirairay.

Famehezantena

«Miankina amin'ny fahasoavan'Andriamanitra aho ary raisiko ho vavolombelona izay rehetra manatrika eto ka mamehy tena aho fa hifikitra amin'Andriamanitra, hitady izay hahasambatra ny hafa, hikatsaka hatrany ny fivoaran'ny tenako, hivelona ny lalàn'ny Antily Mpamakilay ka hanao asa soa na aiza na aiza.»

7- Fisondrotana isam-batan'olona

Sehatra ahafahan'ny mpamakilay tsirairay mivoatra ny tarika sy ny rodona. Manoritra seha-pibeazana ny Antily ary mamaritra ireo vokatra hotratrarina ara-panabeazana amin'izany. Ny zatovo kosa mifidy izay sehatra ivoarany miandalana ary miara-manombana amin'ny mpiandraikitra ny lalana vitany.

Ny zava-dehibe amin'ny fisondrotana isam-batan'olona dia ny hahatonga ny zatovo tsy ho mora mionona amin'ny kely vitany fa hiezaka ho any amin'ny tsara kokoa hatrany.

Tsy ny hahatongavany any amin'ny tanjona no zava-dehibe fa ny fialana amin'ny toerana nisy azy ho any aloha hatrany.

Marihina hatrany ny dingana vitan'ny Mpamakilay hanomezana hery azy.

Firafitry ny fisondrotana isam-batan'olona ato amin'ny mpamakilay

Misy seha-pibeazana enina : (ohatra :Fikatsahana an'Andriamanitra)

Misy ambaratonga roa isaky ny seha-pibeazana iray (ambaratonga I sy II)

Misy andiana vokatra hotratrarina hatramin'ny 7 isaky ny ambaratonga iray

Misy laharana hatramin'ny 4 isaky ny andiana vokatra hotratrarina iray (ohatra 1.1 na 3.2)

Misy dingana 3 ato amin'ny Mpamakilay :

Dingana voalohany : MIOMANA

Dingana faharoa : MANJARY

Dingana fahatelo : MAHATSANGY

Fantaro ny hevitr'ireto teny ireto :

Seha-pibeazana

Ny seha-pibeazana dia ireo lafin-javatra ifantohan'ny fanabeazana antily hampivoatra ny maha-olona ao amin'ny ankizy sy zatovo ka ahafahany mandray antanana tsikelikely ny maha-izy azy. Misy enina ny seha-pibeazana antily dia ny fikatsahana an'Andriamanitra, fifandraisana amin'ny hafa, fahaizana manavia manavanana, fikolokoloana ny vatana sy ny fahasalamana, fifehezana fihetseham-po, fikolokoloana ny toetra.

Ny vokatra hotratrarina ara-panabeazana

Ny vokatra hotratrarina ara-panabeazana dia ireo fiovana tokony ho hita sy tsapa eo amin'ny tanora rehefa avy mikatroka seha-pibeazana iray izy.

Ny lahasa

Ny lahasa dia fitambaran'ny zavatra atao maromaro hanatanterahana asa lehibe kokoa, fa indrindra hanatratrarana vokatra ara-panabeazana.

Ny fivoriana, ny an-tsaha, ny lasy dia sehatra hahafahana manatanteraka lahasa.

Ohatra :

- Lahasa atao : fanorenana any an-dasy
- Sehatra hanatanterahana azy : lasy
- Zavatra atao : manorina toerana fitoriana, fandrahoana, fisakafoanana sy ny sisa.
- Fomba hampiasaina hanatanterahana izany : mikapa hazo araka ny tokony ho izy, manambatra hazo amin'ny vona sy fomba hafa, mangady.
- Seha-pibeazana ikatrohana : mahay manavia manavanana, fikoloana ny vatana ary fifandraisana amin'ny hafa.
- Vokatra hotratrarina ara-panabeazana :
 - Ao amin'ny seha-pibeazana mahay manavia manavanana : manao fampiharana ireo teknika fantany.
 - Ao amin'ny seha-pibeazana fikolokoloana vatana : tia miaina an-kalamanjana ka mivoaka matetika eny anivon'ny zavaboazary.
 - Ao amin'ny seha-pibeazana fifandraisana amin'ny hafa : mitandro ny tontolo iainana mba hisian'ny fahasalamana sy fitohizan'aina.

Fomba isafidianana ny seha-pibeazana

"Ampio hisafidy izay seha-pibeazana hisondrotany ny ankizy"

Amin'ny lahasa manomboka ny taona no amantaran'ny ankizy ireo seha-pibeazana azony isafidianana.

Miresaka amin'ny ankizy tsirairay ny mpiandraikitra aorian'ny lahasa lehibe voalohany hiara-kijery aminy izay seha-pibeazana manavanana azy ka tiany hofidiana.

Ao amin'ny tarika ny ankizy tsirairay no mandrakitra an-tsoratra ny ezaka hataony ao amin'ny sehatra nofidiany rehefa avy nifanakalo hevitra tamin'ny mpiray tarika taminy.

Entin'ny Loha-tarika any amin'ny filan-kevitra ny rodona ny safidin'ny mpiray tarika aminy.

Araka izay seha-pibeazana nofidian'ny zatovo izay no hisafidianan'ny rodona izay lahasa hataony mandritra ny iray volana na telo volana.

Araka izay seha-pibeazana nofidian'ny zatovo tsirairay no anomezana azy andraikitra mandritra ny lahasa.

Ankoatra ny tombana iraisana dia manombana ny ezaka vitany ny zatovo ary mandrakitra izany an-tsoratra isaky ny mahavita lahasa iray. Ny mpiandraikitra koa manao toy izany ary mameno ny tondro eo am-pelantanany.

Fahavitana dingana iray

Nahavita dingana iray ny Mpamakilay rahefa nahavita ny laharana iray avy isaky ny andiana vokatra hotratrarina rehetra amin'ny ambaratonga miisa efatra amin'ny seha-pibeazana nofidiany.

Rahefa mahatratra ireo vokatra eo amin'ny seha-pibeazana nofidiany ny mpamakilay dia mihaona amin'ny Mpiandraikitra alohan'ny hanombohany ny seha-pibeazana sy ambaratonga manaraka.

Aorian'ny nahavitany ny famehezantena dia afaka mikatroka ny dingana miomana ny mpamakilay.

Rehefa nahavita ny dingana voalohany ny mpamakilay dia antsoina hoe : miomana.

Rehefa nahavita ny dingana faharoa izy dia atao hoe : manjary.

Rahefa nahavita ny dingana fahatelo izy dia atao hoe : mahatsangy.

Maharitra enina ka hatramin'ny sivy volana no anaovana ny dingana iray.

Talenta

Ny talenta dia fandalinana ny seha-pibeazana manavanana na mahaliana ny mpamakilay.

Tsy maintsy mahavita ny ambaratonga roa ao amin'ny seha-pibeazana iray vao mahazo maka talenta amin'iny seha-pibeazana iny, ka tsy maintsy vitaina daholo ny laharana rehetra amin'ny andiana vokatra ho tratrarina ao amin'ny ambaratonga I sy II.

Aorian'ny "miomana" dia efa afaka mikatroka avy hatrany ireo talenta tiany ho azo ny mpamakilay raha nahavita ambaratonga roa amin'ny seha-pibeazana iray.

FIKATSAHANA AN'ANDRIAMANITRA		
	Ambaratonga I	Ambaratonga II
1.1		
1.2		
2.1		
2.2		

Mahavita **dingana** voalohany ny mpamakilay rahefa mahavita

Ambaratonga I sy II amin'ny seha-pibeazana 2

Seha-pibeazana	S1	S2	S3	S4	S5	S6
Ambaratonga I						
Ambaratonga II						

NA ambaratonga I sy II amin'ny seha-pibeazana 1 sy Ambaratonga I amin'ny seha-pibeazana 2

Seha-pibeazana	S1	S2	S3	S4	S5	S6
Ambaratonga I						
Ambaratonga II						

NA ambaratonga I amin'ny seha-pibeazana 4

Seha-pibeazana	S1	S2	S3	S4	S5	S6
Ambaratonga I						
Ambaratonga II						

Amin'ny safidy amin'ny **dingana faharoa** dia tsy maintsy mandalo amin'ireo seha-pibeazana 6 ny mpamakilay

	Seha-pibeazana	S1	S2	S3	S4	S5	S6
Dingana I	Ambaratonga I						
	Ambaratonga II						
Dingana II	Ambaratonga I						
	Ambaratonga II						

Ny fitohizan'ny dingana telo:

Seha-pibeazana	S1	S2	S3	S4	S5	S6
Ambaratonga I						
Ambaratonga II						

Seha-pibeazana	S1	S2	S3	S4	S5	S6
Ambaratonga I						
Ambaratonga II						

Miomana	
Manjary	
Mahatsangy	

Nahavita **ambaratonga iray** ny mpamakilay rahefa nahatratra :

- **laharana** iray avy isaky ny andiana VHT rehetra ao amin'io ambaratonga io

Tsy afaka manao ny ambaratonga amin'ny seha-pibeazana iray ny Mpamakilay raha tsy mahavita ny ambaratonga voalohany.

VOKATRA HO TRATRARINA ARA-PANABEAZANA

FIKATSAHANA AN'ANDRIAMANITRA

	Ambaratonga I	Ambaratonga II
1.1	Manandratra ny zavaboary amin'ny maha-asatanan'Andriamanitra azy	Mikaroka an'Andriamanitra eo amin'ny asatanany
1.2	Manomana lahasa ahafahan'ny hafa mitsangana ho vavolombelona	Mitarika lahasa ka manasongadina ny zava-bitan'ny hafa
2.1	Mandalina ny finoana	Manadihady lalina mikasika ny finoana
2.2	Manaraka ny fomba amam-panaon'ny fiangonana.	Miara-misalahy amin'ny lahasa karakarain'ny fiangonana
2.3	Miara-mandalina ny finoana amin'ny namany amim-panajana ny finoan'ny tsairairay	Mandalina ny finoana amin'ny fampitahana ny an'ny tena amin'ny finoan'ny hafa
3.1	Manokana fotoana isan'andro hanginana, hieritreretana, sy hivavahana samirery	Miezaka hanao fivavahana tora-po sy manao vavaka mandritra ny hasiviana
3.2	Mangataka fanampiana @ Andriamanitra rahafa handray fanapahan-kevitra lehibe amin'ny fiainana	Mitarika fivavahana mampiseho fa tsy mahavita n'inona n'inona raha tsy misy fanampian'Andriamanitra
3.3	Manomana fotoam-pivavahana ho an'ny Rodona, Fivondronana, Fianakaviana	Mitarika fotoam-pivavahana ho an'ny Rodona
4.1	Mitsara tena araka ny finoana	Mampitaha ny atao araka ny soa toavin'ny finoana
4.2	Mitory amin'ny hafa ny foto-pinoany.	Manome lanja eo amin'ny Tarika ny asa fanasoavana takian'ny finoany
5.1	Liana hahalala ny foto-pinoanan'ireo olona mifanerasera amin'ny tena	Miezaka hahalala ireo soatoavin'ny finoan'ny hafa miaraka amin'ny tena
5.2	Mahalala ny foto-kevitr'ireo finoana lehibe misy eto Madagasikara	Mahalala ny fomba fanehoan'ny hafa ny finoany
5.3	Mandray anjara amin'ny lahasa fifanakalozan-kevitra @ tanora hafa-finoana	Mandray anjara amin'ny fihetsiketschana iraisam-pinoana
5.4	Tsy manaiiky lembehana eo anatrehan'ireo fombam-pivavahana mifanipaka amin'ny soa toavin'ny Antilin'i Madagasikara	Tsy mandefitra amin'ny fomba fivavahana mifanohitra amin'ny soa toavin'ny finoany

FIKOLOKOLOANA TOETRA

	Ambaratonga I	Ambaratonga II
1.1	Afaka manomana ny ho avy amin'ireo traik'efa norantoviny	Manana tanjona hahazoana fivelomana araka ny fahaizana ankehitriny
1.2	Maneho fanetren-tena rehefa mitsara tena	Manombana samy irery ny ezaka vitany
1.3	Matoky ny ho aviny	Mampiseho fahavononana hatrika ny ho avy
2.	Manoritra tanjona hampivoatra ny tenany	Manao lahasa ary mandray anjara amin'ny tetik'asa manampy hanatratrarana ny tanjona.
3.	Mahatsapa ny lanjan'ny lalàna sy ny velirano eo amin'ny dingam-pivoaran'ny tena	Misafidy izay omen-kasina eo amin'ny fiainana
4.1	Mendrika itokisana	Mampiseho fa azo ianteherana
4.2	Vavolombelon'ny soa toavina eo amin'ny sehatra ijoroany	Miezaka mizara amin'ny hafa ny soa toaviny
4.3	Mitondra ny anjara birikiny @ fanom-mbanana ny hasina iombonana tamin'ny andraikitra noraisina eo amin'ny tafika	Afaka manombana ny andraikitra noraisina
5.1	Miomehy ny hadalana vita (oay 'ty nataoko !)	Mahatsapa ny hadisoan'ny tena ka vonona hiala amin'izany
5.2	Mampiseho fihetsika falifaly sy matoky ny ho avy eo amin'ny sehatra hikatrohany	Mpanentana sy mpizara hafaliana sy tsiky eo amin'ny sehatra ikatrohany
5.3	Mampiseho toetra tsy mila vanina sy tsy kivalavala	Manana toetra maotina sy matotra
6	Mandray ny iray tarika ho havana ary manaiky ny tsikera avy aminy	Mitondra ny traikefany eo amin'ny fivorian'ny tarika. Miara-mihosina amin'ny tetik'asan'ny rodona sy fivondronana

FIKOLOKOLOANA NY VATANA SY NY FAHASALAMANA

	Ambaratonga I	Ambaratonga II
1	Mikajy ny vatana ho tomady	Mikajy ny vatana ho salama
2.1	Mahafantatra ny fahasamihafan'ny toe-batana sy toe-tsaina eo amin'ny lahy sy vavy	Mahalala ny fiasan'ny taova mampiavaka ny lahy sy vavy
2.2	Mitozo amin'ny fitandremam -pahasalamana ary miezaka miala amin'ny fahazarana manimba ny fahasalamana	Mitandrina tsy hikasika zava-mahadomelina (sigara, paraky, toaka)
2.3	Manaiky ny kileman'ny vatana	Mamadika ny kileman'ny vatana ho hery
2.4	Miezaka mampiseho fitondran-tena tsara mandresy herisetra	Miezaka hatrany tsy hisian'ny herisetra sy ady ka mahay mamitram-pihavanana
3.1	Mahatana mandrakariva ny fitandroam-pahasalamana sy ny fahaizana mandamina	Manao fanatanjahan-tena mifanaraka amin'ny toe-batan'ny tena
3.2	Mahatozo eo amin'ny andraikitra fitandroana ny filaminana sy ny fahadiovan'ny tokan-trano	Manamboatra fitaovana handaminana sy hialana amin'ny korontana ao an-tokantrano
4	Mihinana sakafo feno mifanaraka amin'ny taonany. Manaja ny ora fisakafoanana isan'andro.	Manomana ireo karazan-tsakafo indray mihinana takian'ny lahasa ao amin'ny Rodona
5.1	Mahafoy fotoana sy mitsinjara izany hoan'ny fianakaviana sy fiaraha-monina	Manana fandaharam-potoana mazava isan'andro, isam-bolana
5.2	Mahay miala sasatra amin'ny fomba samihafa	Mitandro ny torimaso ho ampy
6.1	Milasy manara-penitra matetika	Miaina matetika an-kalamanjana
6.2	Mampiasa vatana isan'andro	Manao fampiasam-batana isa-maraina
6.3	Mandray anjara amin'ny fanomanana lalao sy fialam-boly ho an'ny Tarika	Manomana lalao na fialam-boly ho an'ny Rodona.


FIFEHEZANA FIHETSEHAM-PO

	Ambaratonga I	Ambaratonga II
1	Mifchy tsikelikely ny fihetseham-pony hampilamina ny sainy.	Miezaka hahafantatra ny maha izy azy ny tenany. Mahay manaiky ny tsy fahombiazany. Mizara ny fihetseham-pony amin'ny Tarika.
2.1	Afaka milaza ny heviny amin'ny toe-javatra isan-karazany nefa tsy manilika ny hafa.	Azo antoka amin'ny fifandraisana aman'olona
2.2	Latsa-paka ny fifankatiavany	Miorim-paka ny fisakaizana
3	Afaka milaza fa loharanon-kerin'ny fiainana ny fitiavany ny namany.	Manome tsy miandry tambiny.
4.1	Mandrindra ny hevitra sy fihetsika mifandraika amin'ireo soa toavina raha tojo fakam-panahy hitadiavana fahafinaretan'ny nofo	Mibaiko ny vatany fa tsy baikon'ny vatany
4.2	Vavolombelon'ny fitiavana sy ny mahatompon'andraikitra azy amin'ny fifandraisana amin'ny tovovavy . Maneho fihetsika feno fanajana sy tsy manavakavaka ny tovovavy .	Mandray anjara amin'ny lahasa mikendry ny fampitovian-jon'ny lahy sy ny vavy
5	Mandresy lahatra ny Ray aman-dreny hanajany ny fahafahany ao anatin'ny rafitry ny fianakaviana na dia eo aza ny fahasamihafan'ny fomba fijery.	Miady hevitra am-panajana amin'ny Ray aman-dreniny ka miezaka mandresy lahatra azy ny fahasamihafan'ny toetr'andro iainana

FIFANDRAISANA AMIN'NY HAFA

	Ambaratonga I	Ambaratonga II
1. 1	Mampiseho fihetsika tsy manavakavaka	Mifandray amin'ny olon-drehetra tsy misy avakavaka
1.2	Vonona foana hanao ny asa tsy maharisika ny hafa	Manira-tena ka manao ny asa tsy tian'ny hafa atao
1.3	Miaro ireo olona tratran'ny tsindry hazo lena	Tsy mandefitra eo anoloan'ny tsy rariny atao amin'ny hafa
2.1	Manaiky fa teny ierana no ahafahana mametraka ny fahefana.	Mankato ny fahefana voapetraka ara-dalana na dia tsy mitovy hevitra @ny tena aza. Manaiky ny tsy fitovian-kevitra
2.2	Tsy manampatra fahefana fa mampiasa izany ara-dalana	Mampiasa ny fahefana ananany amin'ny rariny sy hitsiny
3.1	Mahatakatra ny lanjan'ny fivoaran'ny fahafahan'ny tenany eo anivon'ny fahafahan'ny hafa	Mahatsapa ny fetran'ny fahafahan'ny tena eo anatrehan'ny fahafahan'ny hafa
3.2	Mankato ny fitsipika, miezaka hanova izay tsy rariny.	Miezaka mifehy ny fikomiana sy ny fanoherana mba hahombiazana
4.1	Mahafantatra sy manampy ny fikambanana mpanao asa soa ao antanàna	Mikaroka tetik'asa hiarahana amin'ny hafa hoenti-manasoa ny fiaraha-monina
4.2	Manao asa soa isan'andro	Manolotra sy mandray anjara amin'ny tetik'asa fanasoavana iombonana ataon'ny tarika sy ny Rodona.
4.3	Tsy voasakan'ny tsy fitovian-tsaranga	Mihevitra fa tsy ny vola no zava-dehibe fa ny fanahy
5.1	Mahalala ny haren-tsaina nentin-drazana : tantara, angano, hira, dihy, lovan-tsofina ary ny asan-tanana	Mahay mampita ny haren-tsaina nentin-drazana
5.2	Maneho ety ivelany ny hakingana ary ny firaketam-po amin'ny soa toavina sy ny kolon-tsaina Malagasy.	Manentana ny hafa hiraiki-po amin'ny kolon-tsaina sy haren-tsaina ao antoerana

6.1	Mahafantatra momba ny skotisma eto amin'ny Oseana Indiana	Mahalala ny rafitry ny Skotisma eran-tany
6.2	Mandray anjara amin'ny lahasa iraisam-pirenena izay ifandraisana amin'ny skoto avy any ivelany	Miezaka mifandray an-taratasy amin'ny skoto any ivelany
6.3	Mandray anjara amin'ny lahasa natao ifankahazoan'ny firenena ato amin'ny Oseana Indiana	Miezaka hifandray amin'ny skoto hafa eto Madagasikara sy Oseana Indiana
6.4	Manaiky ny faha-samihafan'ny kolon-tsaina ary mampiseho izany	Mitandro ny kolon-tsaina ary mikajy izany fatratra
7.1	Afaka miady hevitra amin'ny olona manimba ny tontolo iainana sy ny tanàna	Resy lahatra amin'ny tokony hitandroana ny tontolo iainana
7.2	Mampiasa hai-tao miaro ny tontolo iainana any amin'ny lasy	Mahay ireo fomba maro samihafa iadiana amin'ny dorotanety
7.3	Manatanteraka tetik'asa fiarovana ny tontolo iainana miaraka amina tanora ivelan'ny fikambanana	Mikaroka lahasa ataon'ny tarika momba ny tontolo iainana



FAHAIZANA MANAVIA MANAVANANA

	Ambaratonga I	Ambaratonga II
1.1	Mampifantoka miandalana ny fanofanan-tenany amin'ny taranja mifandraika amin'izay manavanana azy	Manafantoka ny ezaka ataony amin'izay zavatra manavanana azy hifehezana izany
1.2	Manara-baovao mandrakariva amin'ny fomba rehetra ary afaka milaza ny heviny momba izany	Mikaroka vaovao amin'ny fomba rehetra ary afaka miady hevitra momba izany
1.3	Milaza ny heviny momba ny boky na lahatsoratra novakiany	Manatsoaka hevitra ka afaka mampihatra izany na amin'ny ady hevitra na amin'ny fiainana
2.1	Afaka manadihady, mitsikera sy manome tolo-kevitra	Afaka mamoron-kevitra sy mitady hevitra amin'ny fomba maro
2.2	Manolotra hevitra samihafa hohadihadiana sy tanterahana amin'ny tarika	Mamolavola hevitra akana ny hevity ny hafa
2.3	Manomana lalao hientanan'ny rehetra ary ampiasaina ao amin'ny tarika sy hampivoarana ny lahasa hahaingana azy	Mitarika lalao hientanan'ny mpiray tarika
3	Mamaha ny olana ilàna teknika mikasika ny ao an-tokan-trano	Mikatroka asa hafa mitaky teknika sarotra kokoa
4	Mampivoatra fahaizana manokana mifanaraka amin'ny sokajin-taonany	Tsy misafidy an-jambany izay lalan-kizorana
5	Mizara ny ahiahy, ny hetahetany ary ny fitiavana amin'ny alalan'ny zava-kanto	Mahay misafidy ny kanto sy meva
6	Mampifandrindra ny soa toaviny amin'ny fampiasana ny siansa	Mandray anjara amin'ny tetik'asa iray mampiasa teknika vaovao

FANEHOANA MPAMAKILAY

Fanamiana sy marika

Ny fanamiana sy marika no manambara ny maha-iray, sady iray aina no iray vatsy. Ny marika moa dia anehoana ilay fanamby izay iavahana amin'ny dingana vitan'ny tena ka mahatonga ny fifaninana masina mankany amin'ny fivoarana hatrany.


Marika

Amin'ny ankapobeny ny marika iombonan'ny samy Antilin'i Madagasikara dia amin'ny ilany havia, ary ny iarahana amin'ny FSM na ny Skoty eran-tany dia amin'ny ilany havanana :

- Marika antilin'i Madagasikara : apetaka eo amin'ny soroka havia mipaika amin'ny zaitran-dobaka an-dohan-tsoroka
- Mari-pivondronana : tapa-damba manga antitra misy ny laharana sy ny anaran'ny fivondronana, apetaka eo ambanin'ny marika AIM (soroka havia)
- Marika Famehezan-tena ho an'ny Mpamakilay : ambonin'ny paosy havia
- Marika Antilin'i Madagasikara - Lakroan'i Jerosalema : eo afovoan'ny paosy havia
- Marika skoty eran-tany (fleur de lys) : eo afovoan'ny paosy havanana
- Marika Firaïsan'ny Skotisma eto Madagasikara : soroka havanana
- Marika Skoty aty Afrika : ambony paosy havanana
- Marika ambaratongam-pisondrotana : (misolo isaky ny mahavita dingana vaovao) : eo ambanin'ny mari-pivondronana (soroka havia)
- Mari-talenta (apetaka daholo izay azo, tsy miala raha tsy miova sampana) : eo ambanin'ny marika FSM (soroka havanana)
- Mari-tarika : tapa-damba telo mirandrana mitondra ny lokon'ny faneva sy loko fotsy ka mipetraka eo amin'ny saikin-tsoroka havia
- Marika LT sy SLT : tapa-damba manga tanora 2 santimetatra ny sakany, zairina mitsangana eo amin'ny sisin'ny paosy havia. Roa ho an'ny LT ary iray ho an'ny SLT.

Isak'ireo dingana vitany na talenta azony dia omena marika hatrany ny zatovo ka ny donak'afon'ny Mpiandraikitra no mankatoa izany rahefa avy nanao ny tomban'ezaky ny lahasan'ny boay tsirairay avy.

- Atolotra ilay zatovo amin'ny seremonia tsotra nefa manan-danja eo amin'ny Fivorian'ny Rodona ny marika. Isaky ny mahavita lasy na an-tsaha na lahasa lehibe hafa dia tokony hisy hatrany ny fanolorana marika ambaratonga ho an'ny zatovo.



Fanamiana

- Zatovo beazina sy mpiandraikitra ary filoha :

Lobaka volontany fohy tanana
 Pataloha fohy bleu marine misy paosy andaniny roa
 Fehitenda araka ny lokom-pivondronana misy bague ka miendrika V ny
 fifampitsofohan'ny fehitenda sy ny bague
 Akanjo ba marron lava tanana
 Satroka itovizan'ny fivondronana.

- Filoha sy Mpiandraikitra Mpamakilay amin'ny seremonia lehibe :

Lobaka volontany fohy tanana
 Pataloha lava bleu marine
 Akanjoba marron
 Fehitenda araka ny andraikitra misy bague.

Lanonana sampana antily mpamakilay

Fepetra

Iray volana mialoha ny lanonana dia mandefa ny atontan-taratasy mankany amin'ny tonia ny mpiandraikitra Rodona.

Filazana ny lanonana atao sy fangatahana lalana hanatanteraka izany amin'ny daty sy ora ary toerana voatondro. Asiana sonia ny fangatahana, ny tonia mpiahy no mamaly raha ekeny na tsia.

1- Fandraisana antily mpamakilay vaovao

(Natokana ho an'izay zatovo vaovao te-ho Antily Mpamakilay)

Ny ilaina :

Ny MP rodona sy ny rodona iray manontolo
Fehitenda sy ny marika hafa

MP : (Miantso ny anaran'ilay vaovao) Ra.....

Zatovo : Inty aho (arahin'ny LT avy ao aoriany izy)

MP : Vory eto isika mirahalahy avy ato anatin'ny rodona. Hafaliana lehibe ho antsika mantsy izany hoe tonga namana. Indreo i.....nankatoavin'ny Donak'afo ny haha Mpamakilay azy. Koa miara-paly noho izany isika ary samy ho vonona ankitsimpo hiara-miaina aminy.

Ry rahalahy, efa volana vitsivitsy izay ialahy no nanomboka tato amin'ny fiainan'ny sampana Mpamakilay. Ka inona marina no hevitr'ialahy?

Zatovo : Vonona ny ho Mpamakilay tokoa aho.

MP : Tsara izany ! RA.....LT. Raiso ao amin'ny tarika misy an'ialahy izy. Ampahalalao azy ny fomba fiainana ato amin'ny sampana Mpamakilay.

(Apetraka aminy ny fehitenda ary omena azy ny marika azony anaovana mialohan'ny famehezan-tena, avy eo dia entin'ny LT ao amin'ny tarika ilay vaovao).

Atao ny antsan'ny tarika.

Mirava ny lanonana am-pifaliana tanteraka.

2- Fiakarana ho mpamakilay

Ny ilaina :

Mpianjoria hiakatra - Mpiandraikitra Antoko - Mpiandraikitra Rodona.

Ny Antoko sy ny Rodona manontolo.

Fanevam-pikambanana na ny an'ny isan-tsampana.

Tady sy famaky ary angady ho an'ilay zatovo hiakatra.

Famoriana : Sokera Antoko, Sokera Rodona.

Tari-dresaka :

Tsara ho fantatsika rehetra izay manatrika etoana fa noho ny zara-taona samy manana ny azy no antony izaràna ho sampana Mpianjoria.

Ka ny Sampana Mpianjoria : 12 - 15 taona.

Sampana Mpamakilay : 15 - 17 taona.

Izay samy manana ny filàna sy ny hetahetany avy.

Rehefa feno 15 taona ny Mpianjoria dia akarina ho Mpamakilay mba hitohizan'ny fanabeazana sy hahatomombana ny fanabeazana skotisma.

Fanazavana :

Manao famoriana sokera roa mifanatrika ny Antoko sy ny Rodona ka rehefa vonona dia antsoina ho eo afovoan'ny Antoko ireo hiakatra ho Mpamakilay ka manao ny fifamaliana amin'izy ireo ny Mpiandraikitra Antoko. Rehefa izany dia mitodika any amin'ny Mpiandraikitra Rodona ny Mpiandraikitra Antoko.

Rehefa manaiky ireo dia esorin'ilay zatovo ny marika maha-Antily mpianjoria, azy ary omeny ny Mpiandraikitra Antoko. Ireo kosa hanome azy tady, famaky, angady,... ho marika fa handeha hamakilay izy eo amin'ny fiainana. Dia miditra ao amin'ny Rodona ireo Zatovo, mikisaka ho andaniny roa ny Mpiandraikitra, hahatany ny loha-tarika anefa ny lalana ka miditra ankeriny izy ireo. Rehefa tafiditra izy dia mitchaka ny rehetra, raisina ao amin'ny Rodona. Hiaka isan-tsampana sy iombonana dia miroso.

Mpiandraikitra Antoko : RA...

Zatovo : Inty aho.

Mpiandraikitra Antoko : Efa an-taonany maro izao no niainan'ialahy ny fanabeazana sampana Mpianjoria, ka niezahan'ialahy ho Antily Mpianjoria. Hatreo aloha ny fanabeazana Sampan'ny Mpianjoria izay notakiana fahavononana mbamin'ny fahatokisan-tena. Ka inona izao no azon'ialahy ambara ?

Zatovo : Nandray fanabeazana tato amin'ny Sampan'ny Mpianjoria aho, mahafinaritra tokoa ny fiainan'ny mpianjoria. Ny Antily anefa miezaka ny hanao tsaratsara kokoa hatrany.

Mpiandraikitra Antoko : Eny tapitra ny fahazazana ka mandroso eo an-dàlan'ny fahatanorana ialahy. Ka ahatomombana ny fanabeazana skotisma ho an'ialahy dia faly izahay manolotra ny Sampan'ny Mpamakilay indray ho an'ialahy.

Zatovo : Misaotra ary mankasitraka ny Sampan'ny Mpianjoria aho ka andeha hikatoka ao amin'ny Sampan'ny Mpamakilay tokoa, ka indro ny marika maha-Antily Mpianjoria ahy atolotro ho an'ialahy.

Mpiandraikitra Antoko : Misaotra an'ialahy ary mankahery an'ialahy. Mpamakilay ny iantsoana an'ialahy manomboka izao. Koa indro misy fitaovana vitsivitsy, atolotry ny Sampan'ny Mpianjoria.

(Mifanao veloma Antily izy ireo ary mitodika any amin'ny Antoko)

Mpiandraikitra Antoko : Ry zandry Mpianjoria, ny sampana no miova fa ny fanabeazana kosa hitohy. Asehoy anay aloha fa tena ho Antily Mpamakilay vonona mandrakizay ianareo. (Mandray ny tãnan'ilay MPIANDRAIKITRA Anakavy ilay zatovo ary dia manao tokim-panompoana ary manavao ny Fanekena Antily Mpianjoria)

Zatovo : Eto imason'ny Antily manontolo no hanomezako toky fa hanaraka an-tsakany sy andavany ny fihetsiketsehana rehetra ato amin'ny sampan'ny mpamakilay aho. Hamita ireo dingana ho takiana amiko, ka Miomana aloha dia Manjary avy eo, ary ho Mahatsangy ary ho tena Mpamakilay eo amin'ny fiainana tokoa amin'ny alalan'ny fanarahako ny lalàna Antily.

Mp Rodona : Ekenareo ve ny handraisana ity zatovo ity ato amin'ny Rodona?

Rodona : Ekenay tokoa.

Mp Rodona : Ry rahalahy zandry malala, midira àry ho isan'ny Rodona ka ho zatovo vonona, sahy, kinga, ho reharenan'ny Fiangonana Katôlika sy Madagasikara Tanindrazana.

(Mifampitantana ny LT rehetra, bahanany tsy avelany hiditra mora ilay zatovo, ny Mpamakilay sasany-kosa efa manao andilany roa ao aoriana, ka raha vao tafiditra ilay zatovo dia mitehaka izy rehetra ary dia samy maka ny toerany).

Mp Rodona : Antilin'i Madagasikara vonona mandrakariva.

Rehetra : Izay (mipetraka indray avy eo).

Mp Antoko : Antily Mpianjoria, na mora na mafy ny dia.

Antoko : Vonona (dia manao ny hiakany ny isa-tsokajy).

Mp Rodona : Antily Mpamakilay.

Rodona : Vonona mandrakizay (dia manao ny hiakany ny isa-tarika).

3- Famehezantena

Ilay zatovo dia efa niaina 2 volana farafahakeliny tao amin'ny Tarika, noraisina ho isan'ny mpamakilay. Nandinika sy nanapa-kevitra fa hanaraka ny fihetsiketsehana ao amin'ny sampana mpamakilay ka nangataka an-tsitrapo mba hanao Famehezantena ary vonona ny hijoro sy hiseho ho tena Mpamakily. Dia manatrika ny fitanan-kaja tarihin'ny mpiandraikitra ary manao ny aritery masina andro iray mialohan'ny hanaovana ny famehezantena.

FOMBA FANATANTERAHANA NY FAMEHEZANTENA

Mivory manao sokera ny rehetra, atao ny fanajana ny faneva, hiraina ny hiram-pirenena ny sidikin'ny antily, ary ny hira fanevan'ny sampana.

Dia aroso amim-pahamatorana amin'izay ny lanonana, manao fanazavana momba ny lanonana ny MPIANDRAIKITRA, antsoina mankeo afovoany ilay zatovo izay arahin'ny LT avy ao aoriana ho mariky ny fiantohany azy.

Ny ilaina :

- OLONA : Rap na /sy Zap - Mp Mpamakilay rehetra - Ray Aman-dreny

- FANEVA : Fanevan-drodona - Tanindrazana - Tarika

MP : (Miantso ny anaran'ilay hanao famehezan-tena)

Zatovo : Inty aho

MP : Efa nanapa -kevitra ho mpamakilay ialahy satria te-hiaina bebe kokoa izany atao hoe fiainana mifehy ny natiora. Koa indro fa nanapa-kevitra ho isan'ny RODONA. Izany indrindra no anontaniako an'ialahy hoe : inona marina moa no irin'ialahy?

Zatovo : Te ho antily ato amin'ny sampana mpamakilay aho.

MP : Inona moa no adidin'ny antily isan'andro ?

Zatovo : Manao asa soa isan'andro.

MP : Tsara izany nefa fantatr'ialahy ve ny baiko manentana ny sampana?

Zatovo : Dinan'ny Mpamakilay ,Vonona mandrakizay.

MP : Fantatr'ialahy ve ny dingan'ny sampana ?

Zatovo : Mivelatra miandalana, izany hoe : Antily miomana aloha dia ho manjary avy eo ary dia ho mahatsangy.

MP : Eny nefa venteso amin'ny feo avo aloha ny lalàna mifehy ka iainan'izay te ho sampana mpamakilay.

Zatovo : (miventy ny lalàna folon'ny sampana mpamakilay).

MP : Manome toky ve ialahy fa hanaraka ireo ?

Zatovo : Eny manantena ny fanampian'ny mpiara-monina aho ary itokisako ny fahasoavan'ANDRIAMANITRA.

MP : Tsara izany nefa mandehana aloha mandray ny tsodranon'Andriamanitra avy amin'ny Pretra.

PRETRA : Ny tsodranon'Andriamanitra anie homba an'ialahy mandrakariva.

Zatovo : Amen.

MP : Manatona ary ny faneva ary dia venteso amin'ny feo avo ny famehezan-tena izay ifamatoran'ialahy amin'ny sampana sy ny fikambanana. Arahabao!

Zatovo : Miankina amin'ny fahasoavan'andriamanitra aho ary raisiko ho vavolombelona ireo manatrika etoana ary dia mamehy tena aho fa hifikitra amin'Andriamanitra, hitady izay hahasambatra ny hafa, hikatsaka hatrany ny fivoaran'ny tenako, hivelona ny lalànan'ny Antily Mpamakilay, hanao asa soa n'aiza n'aiza.

MP : Manomboka amin'ny mason'andro anio dia anisan'ny sampana mpamakilay manerana an'izao tontolo izao ialahy. (Omena azy ny marika famehezan-tena. Atao ny hiran'ny Velirano).

Raha tsy afaka hanatrika ny Famehezantena ny RAP dia azo raisina any ampiangonana ny tso-dranon'ny zatovo.

4- Fanolorana mari-dingana na talenta

Amin'ny fomba tsotra kanefa mendrika no anolorana ny mari-dingana.

- Mivory manao sokera ny Rodona
- Azavain'ny Mpiandraikitra ny anton 'ny fihetsiketschana
- Antsoina ho eo afovoany ilay zatovo

Mp : Ra...

Zat : Inty aho

Mp : Tontosan'ialahy ireo Vokatra ho trararina ara-panabeazana natokana ho an'ny Dingana (Miomana na Manjary na Mahatsangy na Mari-talenta) voafaritra ao amin'ny teti-pibeazan'ny Antily Mpamakilay, koa inona marina moa no hangatahan'ialahy ?

Zat : Te-hitondra ny marika maha Antily Mpamakilay (Miomana na Manjary na Mahatsangy na Maritalenta) aho.

Mp : Zava-dehibe tokoa izany ary efa nankatoavin'ny Fitanan-kaja koa hamafiso eto ny famehezantenan'ialahy. Arahabao!

Zat : ...

(Apetaka ny marika. Faranana amin'ny kabary sy hiaka.)

5- Fanolorana marika maha-lohan-tarika

Famorianana Sokera no atao. Rehefa izany dia antsoina ilay LT.

Mp Rod : Ra ...

Zat : Inty aho.

Mp Rod : Nofidian'ny Rahalahin'ialahy ho LT ialahy. Nankatoavin'ny Donak'afon'ny Mpiandraikitra izany. Sitrak'i Jesoa koa izany matoa tanteraka tahaka izao ny fanomanana sy ny ezak'ialahy rehetra. Ny Fitankaja koa nanaiky, koa vonona ve ialahy ho fitaratra itarafan'ny mpiray tarika ny fahombiazan'ny fanabeazana skoto efa noraisin'ialahy?

Zat : Vonona aho ary ankiniko amin'ny fahasoavan'Andriamanitra izany.

Mp Rod : Noho izany, inona ny baiko arahin'ialahy?

Zat : Ho vonona sy sahy ary ho kinga amin'ny fanasoavana ny Tarika.

Mp Rodona : Hatramin'izao ary dia ialahy no mpitarika ny Tarika eto amin'ny Rodona

(Raisin'ilay LT ny tanan'ny Mpiandraikitra Rodona havia).

Zat : Mankasitraka an'ialahy aho, ary dia toky no omeko fa hanampy antsitra-po an'ialahy amin'ny fiandraiketana ny Tarika sy hiara-hiasa amin'ireo rahalahiko antily ao izay ankinin'i Jesoa Tompo amiko hiaina ny lalàna natorony.

Mp Rod : Raiso àry ny marika (atolotra azy aloha ny kiririoka misy tady manga, ny skalpa, ny fanevan'ny tarika, ary tapa-damba roa manga tanora apetraka eo amin'ny paosy havia).

Miara-miredona ny Vavaky ny LT, Hiakan'ny tarika avy eo, ary faranana amin'ny Hiaka iombonana dia mirava an-kafaliana.

6- Fiakarana ho mpiandalana

Tari-dresaka :

Raisina amim-pomba tsotra misy lanjany ny Antily Mpamakilay hiakatra ho Mpiandàlana.

Rehefa tafavory amin'ny sokera efajoro ny Fokonolona sy ny Rodona dia atolotry ny Rodona amin'ny Mpiandraikitra Fokonolona ireo Mpamakilay hiakatra ho mpiandàlana. Nefa mialohan'izany dia hazavaina ho an'ny olona manatrika fa noho ny zara-taona samy manana ny azy no antony hizarana ho sampana.

Ny Mpamakilay 15 - 17 taona ao anatin'ny fahamaotina.

Ny Mpiandàlana 17 -21 taona miditra ny fahatanorana.

Mba hahatomombana ny hitohizan'ny fanabeazana skotisma dia rehefa feno 17 taona ny zatovo dia ampiakarina ho Antily Mpiandàlana.

Ny mpiandraikitra no mitsena sy mandray azy ireo.

Manao hira fandraisana mavitrika ny Fokonolona ary raisin'ny Mpiandàlana ho fifaliany, mankalaza amin'ny fetim-pifankatiavana tsotsotra ireo rahalahy vaovao.

Rehefa vonona ny rehetra dia atao ny hira (Mpamakilay no mijoro).

Mpiandraikitra Rodona : RA.....

Zatovo : Inty aho.

Mpiandraikitra Rodona : Vita ny fanabeazana nomen'ny sampan'ny Mpamakilay an'ialahy tamin-teknika sy ny lalao natao ary ny vaky lay teo anivon'ny Natiora. Tapitra ny lalao fa efa matotra ialahy. Koa ahatongavan'ialahy amin'ny tanjona ambony eo amin'ny skotisma Malagasy sy ahatomombana ny fanabeazan'ialahy dia faly izahay manolotra an'ialahy ny Sampan'ny Mpiandàlana.

Hira : (Toy ny zana-borona vory helatra na hira hafa mitovy).

Mpiandraikitra Fokonolona : Alohan'ny handraisana an'ialahy ato amin'ny Sampan'ny mpiandàlana, havaozy eo imason'ny Fokonolona manontolo ny Famehezantenan'ialahy ary ataovy ny tokim-panompoana.


Zatovo : (Ventesiny ny Famehezantena dia tohizana hoe :)Eto imason'ny Fileovana manontolo no hanomezako toky fa hanaraka antsakany sy andavany ny fihetsiketsehana rehetra ao amin'ny Fileovana. Mba hahatomombana ny fanabeazana takiako amin'ny skotisma dia tsy hievi-tena ho tonga lafatra na oviana na oviana aho fa ho vonona mandrakariva ho Mpiandàlana mahafa-po hatraiza hatraiza.

Mpiandraikitra Fokonolona : Ankasitrahanareo ve ny handraisana an'io ho isan'ny Mpiandàlana eto...?

Mpiandàlana : Eny.

Mpiandraikitra Fokonolona : Raha izany àry dia raisina ho Mpiandàlana ialahy ka ho tanora vonona sy salama, reharehan'i Madagasikara sy ny Fiangonana Katôlika (soloina ny fehin-tenda) ary mandroso hikatroka sy hanompo ato amin'ny sehatry ny lalana.

(Mihataka mizara roa ireo Mpiandraikitra ary mandalo eo afovoan'ny Mpiandàlana izay mizara ho roa)



HIRA FANEVAN'NY MPAMAKILAY

1- Izahay Antily Mpamakilay

Dia vonona mandrakizay
Olon'ny Natoria sady Tia
Famehezan-tena no hanombohana ny dia.

3- Miomana, Manjary, Mahatsangy

Dia dingana izay tena tsy fisangy
Ho mpialoha lalana amin'izay
Joany Batista no arahinay.

2- Efa nanavatsava teo aloha

Ka hiroso lalindalina kokoa
Miankina amin'ny fahasoavan'A/tra
Hiroso an-kafaliana hiatrika ny fiainana.

4- Tojo sakana ka namakilay

Niray hina nivondrona iray
Ka ho Mpiandalana ho tompo-tsafidy
Ho Antily Vonona, handray adidy.

(Miverina indroa ny andalana roa farany isaky ny andininy avy)

VAVAKY NY LT

Ry Jesoa Tompo ô

Ianao no mahalala ny fahosako sy ny kilemako
Nefa nofidinao ho mpiandry sy mpitarika
Ireo Zatovo ao amin'ny Tariko aho.

Ampio aho haina ny Lalàna

Ary ho hitako eo amin'ny Natoria itantanako
Ny Tariko anie ny sori-dalanao itondrako
Ny fiainanay mirahalany avy.

Mandra-pahatonga any aminao sy
Ny Ray miaraka amin'ny Fanahy Masina
Izay toeram-pialan-tsasatra
Mandrakizay Amen

} Bis

TOY NY ZANA-BORONA VORY ELATRA


1- Toy ny zana-borona vory elatra

Hanainga hitady lalana hivelatra
Hanombana hijery ka hisafidy
Fa hahita fiainana saro-bidy.

2- Mbola maro ny lalan-kodiavina

Ianao no hitokisana sy hotiavina
Hijery ka hahita, handeha ka ho today
Ho lavorary ho tafita rehefa mody.

Fiverenana : O ry Tompo tantano ny dianay
Omeo hery ho today soa ny lalanay
Vita hatreo ireo dingana natao
Ny fiainana hapetrakay eo an-tananao.



FIZAHAN-TAKELAKA

TENY MIALOHA

NY NIANDOHAN'NY SKOTISMA

NY FOMBA FANABEAZANA SKOTO SY NY TETI-PIBEAZANA
MPAMAKILAY

. Ny fomba fanabeazana Antily

6

- Ny fomba fanabeazana amin'ny alalan'ny lahasa
- Fifandraisan'ny beazina sy ny mpanabe
- Fiainana an-kalamanjana
- Ny tontolon'ny nofy sy ny eritreritra
- Ny fiainana an-tarika
- Lalàna sy famehezantena
- Fisondrotana isam-batan'olona

7

12

15

18

19

23

25

. Vokatra hotratrarina ara-panabeazana

30

FANEHOANA MPAMAKILAY

- Fanamiana sy marika
- Fandraisana antily mpamakilay vaovao
- Fiakarana ho mpamakilay
- Famehezantena
- Fanolorana mari-dingana na talenta
- Fanolorana marika maha-lohan-tarika
- Fiakarana ho mpiandalana

38

40

40

42

44

44

45

HIRA

47

